



先秦 — 清末民初

中國野史集成·續編編委會
四川大學圖書館

編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

18

巴蜀書社·中國·成都

目 錄 (第十八冊)

皇明肅皇外史	一
皇明馭倭錄	二五〇
安南來威圖冊	四七五
平蠻全錄	五七九
嘉靖倭亂備抄	八〇六

皇明肅皇外史

四十六卷

皇明肅皇外史序

昔孔父財經定哀俱筆子長纂史景武咸詮察百步而眉睫是智遠觀者病其闇已故商古之士不遺推今左子綴傳尤覲縷于獲麟之後也況後主所是一代之絮今存焉苟闕而不彰即有如荀卿者欲法魏相者欲條將焉由之是故典刑斯在皆龜輯宜及而模烈攸關尤闡揚欲急者矣我國家自

高帝以來二百餘載敷華頤承日星炳烺其為掌故所籍太史所編厚者充初石室煥典謨而垂千古矣其他拾康衡之遺誼擬講德之緒論搜網餘龜

序

一

江寧志卷之三

矜鼎鸞夸豹斑者亡慮數十家雖其辭寡體要事多舛謬而學士讀之亦得以窺神功于萬一識帝德之勢範其所弘裨豈淺鮮哉顧其為述皆止

殺帝而往

肅皇以降攝挾莫及粵稽四十五年之間神謨廣運泰道長亨其所以是弱非特觀光揚烈軼六宗寓二祖咸五帝登三王者組誦助休窮日不能殫其紀編章投青充棟莫克究其筆益將將二曜之不磨與天地相為昭章者也可使秘諸金縢臧之蘭臺愚黔首而不欲其知哉予聞之太史氏曰日者覽我

世宗之實錄也官分六曹草脫十檢為編五百六十

有五為言蓋千有五百餘萬云即使頒之學士課以繙閱將有皓首未窮其帙者而何窺功識德之能為已自警歲志存典墳至于昭代故實尤所悉心居常念陳氏通紀草次亡文採撫雖云不苟而無俚可厭步王君懋之故武鄭公大政記筆削率意鉅細不倫比之孟聖帝紀似為整潔以方麟筆難免捧心之嫌矣辭子憲章錄廣擬羣言自衍博綜而拾唾餘以當珠璣寶武夫而充秘帙是刻仲豫之鵠而失焉者也高氏鴻猷錄目取紀事義殊編年事必核夫始末而高帝初年諸條則分

序

二

江寧志卷之三

析璫屑動必繫之歲時而奏詔往復誅賞銓進則月日未審求之于古蓋自我作故不有範模者矣每思兼採諸長勒成一家然職累紛拏抽衮不暇已而移主都官曹事訟牒頗簡得以其彈肆力丹鉛故臨初謀終苦縣閱念有四家之緒言姑作緩圖迺聚羣劄創撰

肅謨事鉅者摘挈其領用為標識非敢自附于竊取關治者備徵其詳匪為難助聊以廁之牕牖也材雖足于識小說或異于稗官雖于聖神治化之隆未能仰贊其什一而視于眉睫庶幾不殊百步耳苟有推今者欲法而脩之或者不外

于是乎其間 國是從違忠佞紕信一惟近世名
賢之語言是據當時元夫之疏論是憑不敢毫髮
自用肺腸觀者幸諒而原之毋眎為魏收之臧史
可也

萬曆壬午夏六月涇川范守己書于建康之九二
軒

序

三

江寧范守己書

國朝自

太祖高皇帝奄有函夏垂億萬年無疆之統受命靈長享國三十有一載建文君超禍嗣祖歷服四暮而自墜大命卒附皇祖之末簡

文皇帝奠鼎定極神謨猷運二十二年之間不遑啓

處凝命孟隆昭皇帝綏猷覃化僅及一年

章皇帝布武弘庥不出十稔而元氣神功之培植于

茲猷至寄皇帝幼冲嗣作返駕復辟首尾二十

有九年雖

卷一

一

景帝間立握符七載而昭臨孔固終不能移其實跡

之傳也純皇帝初為儲貳廢歸沂邨友友殆矣

而天命有在神器終及故能享國二十有三禩福

履為多皇嗣十人本支並茂其元子敬皇帝重

數大化千古稱良十有八年之間湛恩汪澤流溢

八極雖嗣以殺皇帝之盤遊猶守之十六載無

所賞隊詎不遑與其次興國恪守藩服迨及孫子

復膺大應以上繼一百五十四年之統以衍億萬

年無疆之傳於戲威矣自太祖高皇帝下及

殺皇二祖六宗十朝九帝之鴻烈紀述

願備不遑修訂謹纂肅皇外史如左

世宗肅皇帝

辛巳正德十有六年夏四月癸卯帝即位

帝興獻王子憲宗純皇帝孫也憲宗生十

皇子長孝宗敬皇帝次興獻王次岐王益王

衡王雍王壽王汝王湮王榮王弘治七年甲寅

興獻王之國安陸州正德二年秋八月帝生於

興邸時黃河清塵雲見翼軫分已而獻王薨

帝受勅嗣理國事至是年十有五矣武宗無子

臨崩遺詔曰朕紹承祖宗王業十有七年深惟

有孫先帝付託惟在繼統得人宗社生民有

賴

卷一

二

皇考孝宗敬皇帝親弟興獻王長子厚燠聰明仁孝

德器夙成倫序當立遵奉祖訓兄終弟及之文

告于宗廟請于慈壽皇太后與內外文武羣

臣合謀同辭即日遣官迎取來京嗣皇帝位時十

六年三月丙寅也翼日丁卯遣司禮太監章壽

宣侯張鶴齡駙馬都尉崔元大學士梁儲禮部尚

書毛澄齋詔諭金符之安陸州戊寅霽等至興

邸帝迎詔國門外至承運殿開讀已乃登座受

符朝藩衛諸臣霽等頓嘆曰乃知帝王自有真也

四月壬午帝辭興獻王園寢顧瞻不忍去從

臣感泣癸未發安陸辭帝母將妃嗚咽涕泗

帝母曰吾兒此行荷負重任母輕言帝曰謹受教比發安陸父老攀戀不置帝以藩衛官校不諫有司恐為沿邊擾特命從官駱安等嚴敷之所過辭謝諸王供饋屏絕有司珍奇之獻行殿有過者目不復睨抵河有艤舟父老臨曰昔聖天子初生之歲此河清三百里者三日嘗謂河清聖出今果然矣丁亥禮部員外郎楊應奎上禮儀狀請由東安門入居文華殿翼日百官朝見三上箋勸進俟令旨俞允擇日即位乃大學士楊廷和命儀部郎中余才所擬也壬寅車駕至良鄉帝覽禮部狀謂長史袁宗皋曰遺詔以吾嗣皇帝位此

卷一

三

狀云何癸卯至京師止城外廷和固請如禮部所具狀帝不許乃御行殿受薨由大明門入日中即位時久旱是晨大雨向午忽霽萬象咸新翼日詔曰朕承皇天眷命列聖洪庥奉皇兄大行皇帝遺詔屬以倫序入奉宗祧祇告天地宗廟社稷即皇帝位深恩付託之重實切兢業之懷茲率由舊章敬承先志自惟涼德方在冲年尚賴親賢共圖新治其以明年為嘉靖元年凡正德間冒濫軍功匠校賣緣監織推稅諸弊政盡行釐革赦死罪雜犯以下未減有差于是中外鼓舞若獲更生矣

丙午遣官往迎帝母與獻妃

初帝在中途思聖母輒垂泣故即位三日即遣司禮監官秦文鄭恩等齎箋往迎

戊申命禮官集議崇祀興獻王典禮

帝命集議興獻王主祀及追崇尊號禮部尚書

毛澄請于大學士廷和廷和出漢定陶王宋濮王

出禮部侍郎王瓚于南京

有侍對公車舉人張璠者瓚同鄉士也詣瓚言帝

入繼大統非為人後與漢哀宗英不類瓚然之宣

言于眾大學士廷和謂瓚獨持異議令言官列瓚

卷一

四

他失出為南京禮部侍郎而以侍讀學士汪俊代

五月以吏部侍郎袁宗皋為禮部尚書兼文淵閣大學士參預機務

論扈從功也以長史袁宗皋為吏部侍郎尋進尚書大學士承奉張佐戴永為御馬監太監護衛指

揮駱安為錦衣衛指揮餘四十人俱增秩有差

累士于西角門

初武宗南巡故廡辰南宮所取士未對制策禮部

上言武宗在殯不宜于奉天殿策士乃就西角門

以投其典是日發策即以追崇止生為問士多依

阿賜楊惟聰等及第出身有差

加故尚書韓文太子太保柱國任其一孫

先是召文赴官以疾辭時年八十有一矣故遣

行人存問加宮保柱國頒月祿養之仍蔭一孫為

光祿寺寺丞

加章懋南京禮部尚書

時懋亦年逾八十加秩致仕今有司以時存問

六月以王守仁為南京兵部尚書

時欲召用不果故有是命守仁因疏乞省墓矣

己亥復遣官往迎帝母與獻妃

遣太監戴永等齎箋再迎于途

卷一

五

逮繫吏部尚書王瓊于詔獄論死

初正德間都御史彭澤經略哈密貼土魯番連遭

滿速兒金綺器物易哈密城及金印比城印未還

而澤即上書言事平乞歸朝廷信之召澤還

京理都察院事已而滿速兒知我撤兵不還城及

金印更要索無已且遣姦謀出入肅州構我諸熟

夷為中譟兵備副使陳九疇偵知之悉捕下獄而

阻其勞賜不之發滿速兒怒以萬騎寇肅州遊擊

將軍芮瑄出禦敗績亡卒八百人九疇嬰城自固

恐諸夷謀中變捕袁甲者悉誅殺之有哈密都督

失拜烟答者與滿速兒通九疇亦誅死乃偕結瓦

刺夷酋掠其畜落破三城滿速兒狼狽引去九疇

軍從後邀之斬獲頗多時失拜烟答子米馬兒果

麻入貢在京聞其父死突入長安左門鳴父冤下

錦衣衛法司會鞠兵部尚書王瓊乃發彭澤敗固

及九疇激變長師狀逮繫九疇至京廷鞠之幾

殺澤大學士廷和營解得免仍削九疇籍為民至

是言官劾瓊挾私忌功傾陷澤九疇廷和素善澤

乃逮繫瓊詔獄謫戍榆林

起彭澤為兵部尚書

瓊既論謫乃復起彭澤為兵部尚書

勅修武宗實錄

卷一

六

命禮官集議追崇大禮

初尚書毛澄會公卿臺諫等官六十餘人上議漢

成帝立定陶王為嗣而以楚王孫後定陶承共王

祀師丹以為得禮今上入繼大統宜以益王子

崇仁王後興國其崇號則襲宋英故事以孝宗

為考興獻王及妃為皇叔父母祭告上箋稱姪

署名而令崇仁王考興獻王叔益王帝覽曰

父母可移易乎其再議于是大學士廷和及蔣冕

毛紀等復上言程熙濮議最得禮義之正皇上

未而行之可為萬世法惟興國祀事今雖以崇

仁王異日仍以皇次子後興國而改崇仁為親

藩天理人情庶兩無失尚書澄侍郎俊等六十餘人亦復上議如廷和言帝不聽仍命博考典禮以求至當已而廷和復上言舜不追崇瞽瞍漢世祖不追崇南頓君皇上取法二君斯聖德無累澄等七十餘人又上議武宗皇帝以神器授之陛下有父道焉特以昭穆既同不可為世孝廟而上禍祖曹高以次加稱豈容異議興獻王雖有罔極恩斷不可以稱孝廟者稱之也因錄魏明帝詔文以上留中不報御史周宣進士屈儒侯廷訓亦各奏議如禮官指帝終不從仍命集議

卷一

江寧府志

贈先朝諫死諸臣官任其子

初正德己卯武宗欲南巡幸修撰舒芬等百有三十餘人各抗疏諫之忤旨逮繫二十餘人于詔獄已而命長跪闕廷下五日仍各廷朴之死杖下者十有一人員外郎陸震行人司副金廷璫主事劉校何遵評事林公黼照磨劉珏行人孟陽李紹賢劉平南李翰臣詹斌削籍五人郎中黃輦夏良勝萬潮博士陳元川及陸震戍邊一人徐鑿餘俱奪秩外補云帝念其忠故有是命死杖下者贈官廕其一子戍邊削籍補外者俱錄用之

秋七月進士張璁上言大禮

初羣議欲考孝宗穆獨不以為然自王璫去廟不敢申其說至是見帝屢駁羣議乃上疏曰朝議欲上考孝宗叔興獻王此拘定陶濮王故事爾夫漢哀宗英皆立為皇嗣養之宮中是尚為人後者故師冉司馬光之論猶可今遺詔謂皇上倫序當立不謂為孝宗後比之哀宗較然不同稱興獻王以皇叔父鬼神固不能無疑也况稱聖母以皇叔母則當以君臣禮見恐子終無臣母之義故謂皇上繼統武宗而尊崇具親則可謂繼嗣孝宗而自絕其親則不可臣竊謂今日之禮宜別為興獻王立廟京師使得隆

卷一

江寧府志

孝親之孝且使母以子貴尊與父同斯興獻王不失其為父聖母不失其為母矣疏入帝遣司禮監送閣中諭廷和曰此議實遵祖訓據古禮爾曹何得誤朕廷和曰書生焉知國體復持入帝熟覽之喜曰此論一出吾父子可終完矣是日帝御文華殿召廷和冕紀入諭曰至親莫若父母因授以手勅曰卿等所言俱有見第朕固極之恩無由報爾今尊父為興獻皇帝母興獻皇后祖母即為康壽皇太后廷和等退而上言曰禮謂所後者為父母而以所生為伯叔父母蓋不啻降其服又異其名也臣等不敢阿諛順旨封還手勅

帝為中止

八月查革冒濫武職

初正德間安化謀逆仇賊平之太監張永撥為己功既而谷大用馬永成陸閻魏彬等夤緣奏帶其弟姪張富張容谷大寬谷大亮馬山陸永魏英等俱封伯其錄授都督都指揮者尤眾帝即位之初即詔查革諸冒濫款分一十有三一曰傳陞二曰乞陞三曰例外奏帶四曰報効五曰一人數處報効六曰一時數處報効七曰併功八曰冒籍九曰各邊不曾職斬巧立名目十曰兵部擬賞奉旨陞級十一曰緝捕妖言姦細一應陞級十二曰

卷一

九

大同應州冒濫功次十三曰納職加陞命給事中夏言御史鄭本公兵部主事汪文盛覈之言等奉命會覈錦衣等衛應革者三千一百九十九員名簿錄奏上因言正德間軍功之濫其弊有三奏帶之數太多紀驗之次失實武選之法盡壞如鎮守官奏帶例宜五名今至三四百人往往安居京師寄名邊徼有一人而數處奏名一時而數方獲功者其不在新誠之列又巧為名目曰運送神鎗曰齋執旗牌曰衝鋒陷敵曰軍前効勞曰三次當先紀驗無審覈之公銓序無駁勘之實其改正重陞併功加授之類不可枚舉俱當釐正以絕弊源

事下兵部尚書彭澤覆奏從之先是錦衣衛額設

指揮使一同知二僉事三鎮撫二所千百戶各有

定員自正統後貴妃尚主公侯中貴子弟當授官

者俱寄祿衛中以材請選用遞進用事正德間諸

貴倖子弟以奏帶傳奉冒銜者不下數百人他衛

稱是至是指揮而下什之八旗校什之五歲

省度支數十萬計著為累勿得夤緣再進然未幾

而奏辭紛紛倖門為復開矣

九月癸酉興獻妃至通州

先是禮部具儀聖母至京宜由東安門入帝

不從再議由大明左門入復不從帝斷議由中

門入謁見太廟朝議譁然不可禮部復請用王

妃儀杖迓之帝亦不從命錦衣衛以母后駕儀

往又命所司製太后法服伺之至是聖母至

通州聞朝議欲考孝宗志曰安得以我子為人

之子謂從官曰爾曹已極寵榮獻王尊稱胡由

未定因留通州不入帝聞之涕泗皆慈壽皇

太后願避位奉母歸藩聲臣惶懼

袁宗皋卒

起費宏為戶部尚書兼武英殿大學士參預機務

初正德辛未宏由禮部尚書入閣歷太子太保武

英殿大學士甲戌歲致仕家居者七年至是袁宗

卑卒廷和奏復起之

冬十月張璠上大禮或問

初璠上言大禮御史盧瓊給事中史于光交章劾
璠惑亂宸聰宜加斥罰不報己而禮官復集羣
議上言不當帝后其所生留中不下于是毛澄等
以璠于光言上請乞戒諭璠亦不報九月丙子
帝諭廷和曰朕父獨生朕不得承緒復不得徽稱
罔極何由報終勞卿等折衷伸朕孝思廷和等仍
守前議不欲變及聖母留通州不入帝欲避
位璠乃復為或問一帙辨析統嗣之異及尊崇
廟之說甚悉吏部主事彭澤錄遺內閣及禮官勸

卷一

一

改前議不從璠乃齋至左順門上之廷和令修撰
楊維聰等阻之不得帝覽之留中不下

辛巳尊邵貴妃為皇太后興獻王與獻妃為帝后
廷和見勢不獲已乃草勅下禮部曰聖母慈壽皇
太后懿旨以朕繼承大統本生父興獻王宜稱
興獻帝母宜稱興獻后獻廟貴妃邵氏稱皇太
后仰承慈命不敢固違帝從之廷和意假母后
亦非廷議意也

壬午興獻后至自通州

聖母以未得徽稱留通州者彌旬至是乃如京由
大明中門入帝迎于闕內以朝議不謁太廟

止見奉先恭慈二殿而已

乙酉主事霍韜等上言大禮

兵部主事霍韜見璠言欲用亦上言禮官持議非
是時同知馬時中國子監諸生何淵巡檢房審各
上言如璠議帝益為之心動矣

論曰夫人設勢而後權恒情爾于是時東臣執
國是矣屹然不移而璠以孤議獨衡其間言出
而扞扶隨之力孰與東臣競也顧么麼如淵濬
者俱從而比其說豈真是所在執與權莫之能
勉耶嗚呼良賈弗辨人爭去之況未必良乎現
所易雖而居之求驚尤人情也無異乎淵濬之

卷一

一

使不于彼而于此也

甲午諭加皇太后及興獻帝后尊號

廷和以違崇禮成擬上慈壽皇太后及武宗
皇后尊號帝因遣司禮監諭廷和曰邵太后
及興獻帝后亦各擬上尊號廷和等上言不可
宜俟明年大昏禮成慶洽宮闈加之可也

甲戌乾清宮成

初正德甲戌正月乾清宮災至是始成帝自文
華殿入居之

以何孟春為吏部侍郎

時孟春為都御史巡撫雲南先上疏乞重天命以

興聖治勸帝修德勤政。知人親賢。帝嘉納之。至是又上言。竊見進士屈儒。上言欲尊聖祖母為太皇太妃。聖父為皇叔考。興獻大王聖母為皇叔母。興獻大王妃。所云考字。臣愚不能無疑。禮有世父母叔父母之文。而無世叔考妣之說。宋真宗稱太祖為皇伯考。是興王業。獲尊位者也。則皇叔考之稱。豈可加于興獻王乎。成王謂周公為叔父。是生稱之辭。既沒有稱叔父者。則皇叔父之稱。其可復加已謚之親王乎。臣伏觀詔書。陛下稱先皇帝為皇兄。誠于興獻王稱皇叔亦允。恒矣。若非古之名不正之號。非臣所望于今日也。

卷一

十三

汪子庭初書

廷和覽疏以為有見。乃擢孟春吏部侍郎。

出給事中。熊汝為湖廣參議。

決上言。皇上貴為天子。聖父聖母以諸王禮處之。安乎。臣以為當稱帝后而祀。興獻于別廟。則大統之義。所生之恩。斯兼盡矣。乃出為湖廣布政使。司參議。決大學士費宏鄉人也。宏慮廷和疑己。故出之。

十有一月。封王守仁為新建伯。加喬宇少保。餘有差。初。守仁擒宸濠諸姦。佞江彬等導帝親征。且欲攘守功。詭言曲譜。百計欲去之。及宸濠伏誅。守仁以己得專制平逆。皆兵部尚書王瓊力。乃歸功瓊。

執政者不悅瓊。亦因以忌守仁。久之不行賞。至是帝念守仁功。命兵部集議。差別諸從戎功次。封守仁新建伯。特進光祿大夫。柱國。仍兼南京兵部尚書。參贊機務。歲祿千石。給誥券。子孫世襲。守仁聞命。疏辭。因極言楊廷和王瓊有贊縱之功。伍文定邢珣戴德孺陳槐曾與胡堯元劉源清馬津南喬李楨顧佖劉守緒等及鄉紳王懋中鄒守益伍希儒謝源等有推鋒遮擊贊縱監錄之功。尚未酬敘。而舉人冀元亨為臣說濠搆死獄中。尤為含冤不報。久之乃擢伍文定副都御史。任一子邢珣。徐建戴德孺擢布政使。餘不敘。

卷一

十四

汪子庭初書

十有二月。除張璁南京刑部主事。

先是。帝下大禮。或問于禮部。時楊一清家居。遣書吏部尚書喬宇曰。張生此論。聖人不易。恐終當從之。宇不聽。至是。廷和銜璁。授意吏部。除為南部主事。尚書石瑄語璁曰。慎之大禮。說終當行也。廷和寄語曰。子不應南官第靜處之。勿復為大禮說難我耳。璁鞅鞅而去。

起林俊為工部尚書。

初。俊為都御史。致仕家居。廷和寓書于俊。以決國是。俊止疏曰。孔子謂觀過知仁。陛下大禮未協。過于孝故爾。司馬光有言。秦漢而下。入繼大統。或

尊崇其所生。皆取讖當時貽笑後世。陛下純德何忍襲為。疏入留中。廷和遂奏起。俊力辭不聽。論曰。書稱唯辟作威福。何云乎唯也。言下弗得干其東爾。威福自下。而大東移矣。于是信孟春。繼休及璵而登俊。果帝意邪。竊帝所欲。純信必有在此不在彼者。而當事者互為之。是與人主競東矣。競東者不保于庸闇之主。而况英明如肅皇邪。所爭即是。猶嫌無君。况以同異私衷。實伐其間乎。此其終教而為後日之紛紛也。

大學士楊廷和蔣冕毛紀費宏俱求罷歸

卷一 諱字處

先是帝下御劄諭加興獻帝后以皇字。廷和等上言。恐奈一代綱常。拂萬世公論。不可因封還御劄。帝曰。卿言已悉。第固極之恩。報亦無方。其勉承朕命。稱父興獻太皇帝。母興獻太皇后。廷和等復上言。興獻帝后尊稱已極。若復加皇字。與孝廟慈壽並尊。是忘所後而重本生。任私恩而棄大義。臣等不能辭責。俱願罷歸。帝曰。朕奉昊天至情。不必拘于史志。可勉加皇字。母託為辭。于是吏部尚書喬宇率百官上言。皇字不可加。帝曰。慈壽皇太后懿旨。有諭。皇帝昏禮將行。具加興獻帝后皇字。朕不敢辭。爾羣臣其承

后命。廷和等見不可爭。乃俱求罷歸。不報。禮部尚書毛澄侍郎賈詠汪俊等上言。若帝后之上有加。則正統之親無別。恐不可以吉。郊廟而布天下。內閣大臣直言規諫。宜賜俞旨。帝不聽。仍曰。宜遵懿旨。稱興獻皇帝。興獻皇太后。于是給事中朱鳴陽等御史程昌等編修陳沂等百有餘人各上言。加稱非是。因是斥璵不聽。

甘肅總兵官李隆陰喉戍卒殺巡撫都御史許銘。初銘至甘州。斤斤自好。較鎮巡諸官勿得侵牟士卒。隆以同里故。滋不悅。既而議減諸戍卒月餉三分之一。士心亦多怨之。隆遂陰喉諸卒王禮二等。倡

卷一 諱字處

言幕府減損糧餉。不卹士伍。當執而報之。乃嘯聚千人。擁入臺署。假言告復原餉。羅請不已。銘倉卒避匿。禮二等率悍盜歐而死。復撤牕檯諸木。哀尸而焚之。劫出軍械。微因燬燒寺。解城中大震。鎮守太監董文忠聞變。急禽禮二。鞠之。禮二對簿。發隆族使陰謀。隆聞之。恐急。索禮二梟斬。以殉。且圍城口。復募軍。首蘇秀等誣銘貪殘。剋餉。激變邊卒。疏聞于朝。太監董文忠亦隨聲和之。于是巡按甘肅御史許鳳翔巡按陝西御史俞茂堅各上其事。

卷之一終

壬午嘉靖元年春正月己未郊清寧宮小室火。考孝宗敬皇帝母慈壽皇太后。

時郊祀甫畢清寧宮小室火。風急不可撲滅。大學士楊廷和等因上言。火起風烈。殆為天意。況迫清寧後殿。豈非興獻帝后之加禍。祖宗神靈容有未悅者乎。給事中鄧繼曾上言。五行火主禮。今日之禮名素言。遜陰極變災。臣雖愚知為廢禮之應也。主事高尚賢上言。郊祀甫畢。即有清寧後宮之災。意者興獻帝后之禍于禮不能無疑。復以

卷二

一 嘉慶和書

皇字稱之。尤為過越。鄭佐亦言。鬱攸之災。不于他宮。而于清寧之後。不在他日。而在郊祀之餘。變豈虛生。災有由召。帝覽之心動。乃從廷和等議。稱孝宗為皇考。慈壽皇太后為聖母。興獻帝后為本生父母。而皇字不復加矣。附錄初。帝即位。裁抑佞幸。諸遂俱清。亡何興獻舊僚黃綠還致。至庖匠廝役。多寄祿錦衣衛階資。隆懋殆數百人。而皇太后親屬邵喜等。狎恃恩寵。請乞無厭。其舊閣蕭敬等。仍留大內。所祀寺觀。苑民產先降。明旨撤黜歸民者。仍命如舊存。聳諸臣抗章屢以為言。留中不省。而左右近習頗

時時有所移易。于是給事中朱鳴陽因災上疏曰。切見是月十一日清寧後室火。雖曰小災。實關大體。臣反覆思惟。妄意揣度。典禮失中。與直言廢棄與爵賞太濫。與刑罰縱失。與外戚驕盈。與近幸干政。與有一于此。皆足召災。况茲數愆。各有指驗。昔孔子聞魯災。知為釐宮踰禮故也。漢傳太后。欲與成母等號。大焚其居。鴻寧殿。今茲之火。切近清寧。豈非大禮不可踰。而人言所當卹邪。致警惕之誠。以圖消弭之道。此其尤為先務也。大抵既端餘弊。當救聖明御極。言路始開。近日以來。聽納漸倦。持逆心之論。厭而不從。爭大禮之章。留中不報。昔

卷二

二 嘉慶和書

人謂正士直道則火。此其一也。裁絀冒濫。明詔方行。而冗流開進。幸陳復開。文希京官。武圖世及。皆藉興卹為辭。所謂放賢淫賞。官非其人。則火。此又其一也。權姦亂政。天下忿心。執法曲全。重違物論。所謂滅棄法律則火。此又其一也。明君之于外戚。慎始防微。而指揮邵喜。賞賚過多。恩寵太盛。所謂外戚無功受寵則火。此又其一也。綸音之布。所以示大信于天下。而佞幸間得轉移聰明。時有惑蔽一事之予奪。前後互異。一人之罪。有變更不一。如近日傳奉鎮守。主于何人。擬條意旨。不由內閣治亂。攸係。豈宜潛移。所謂貴近驕溢則火。此

又其一也。然此數者皆典禮失中所致。蓋禮既拘私而直言者始不見用。希進者侍藩邸之私而冒濫始多。亂政者侍調護之私而大法始廢。外戚侍官掖之私始妄請求貴近。侍逢迎之私始得干預孔子名不正之論。至是無一不驗矣。惟皇上仰畏天變。俯卹人言。推災之所自起。以端其大本。而釐其羣弊。庶足以回天意矣。疏入。不報。

以故副使陳九疇為僉都御史。巡撫甘肅。初九疇為王瓊所構。論死。繫刑部獄。久之得釋。及瓊謫戍。彭澤起入兵部。久欲理九疇。未之及也。至是甘州事聞。廷舉代許銘者。眾以九疇名上。

卷二

三

帝從之。乃以九疇為僉都御史。以往。兵科都給事中許復禮。御史王應鵬等。各上言。許銘被殺。而隆等無恙。必有陰謀。嗾使者乞遣法司臺諫官案問。及實數所失。錢穀軍械。下兵部議。彭澤以為宜檄巡按御史案覈。仍趣九疇。亟往體察之。已而巡按陝西御史喻茂堅。移牘都察院。言。許銘教振綱紀。而撫馭少恩。禁戢總鎮諸官。宣恭未協。隆等雖無故縱陰謀。難免嫁禍之罪。首惡王禮二等。已經梟斬。同亂六十餘人。俱已囚禁。第志在得餉。原無他謀。合免根究。以安人心。彭澤覆奏。以為隆等宜加切責。載罪視事。帝從之。乃降勅。切責隆及副總

兵李義。守備走勇太監董文忠等。仍趣九疇。公行覈報。

革監督諸倉閩人

自宣德末。京通二倉。置總督閩宦一人。後黃緣滋多。所居號中瑞館。請置印記。漕輓軍民橫被索求。不堪其擾。臨清徐州淮安諸倉。亦各置監督各一人。紛擾尤甚。至是戶部尚書孫交上言。取諸閩人還京。別用革中瑞館及各官署。帝從之。中外怡然。

發內外府儲金分餉諸邊

兵部尚書彭澤。因甘肅之變。奏發內府及大倉積

卷二

四

金及太僕寺馬價共三十萬兩。分運諸邊。補給士卒。廉餉從之。

馬平盜起。平之

廣西馬平府融縣盜周克亮等。肅聚萬餘人。僭署名號。流劫鄉落。居民總督都御史張嶺以其狀聞。兵部覆奏。勅嶺徵兵。勤平奏報。久之乃平。

二月詳定朝參禮儀

禮部奏定朝參諸儀。凡入門進班奏啓復命及齊戒忌辰令節予告日期。以及御史鴻臚官面糾疏糾各禮。明日示遵守。從之。

附錄大能仁寺妖僧齊瑞竹。自正德間。賣緣佞幸。

冒領璽書及金印實者不貸工部侍郎趙璘奏乞
簿錄其財沒官從之其主明宮保安寺諸處所繪
諸像刮取金屑一千三十餘兩俱發商販以償夙
負

存問故大學士王鏊

初鏊為少傅兼太子太傳戶部尚書武英殿大學
士致仕家居帝降特勅遣行人柯維熊即家中
存問之并示優眷鏊疏謝因上講學親政二事凡
數十言帝嘉納之

三月丁巳加上慈壽皇太后尊號及毅皇后號
戊午上皇太后尊號奉興獻后為興國太后

卷一

奉上慈壽冊寶號曰昭聖慈壽皇太后號毅皇

后曰莊肅皇后翌日奉上邵太后尊號曰

壽安皇太后興獻后曰興國太后壬戌布詔天

下曰自古帝王以孝治天下尊親之禮其來遠矣

仰惟聖母慈壽皇太后敬相皇考孝宗皇帝訓

育朕兄毅皇帝爵有顯問皇嫂皇后表正宮闈母

儀有年重念聖祖母貴妃事我憲祖澤隆啓

佑本生父興獻王聰明仁孝本生母興獻王

妃莊敬勤儉誕育眇躬王承前烈謹奉冊寶上

聖母尊號曰昭聖慈壽皇太后皇嫂曰莊肅皇

后又奉聖母懿旨上聖祖母尊號曰壽安皇

太后本生父曰興獻帝母曰興國太后大禮
既舉洪恩誕敷先是司禮監傳諭興獻帝冊文
朕宜稱子廷和等上言不可復傳諭宜稱孝子廷
和等復言冊文稱長子本生之情自明請勉從正
禮從之故其冊詔若此

戊辰遣官詣安陸上興獻帝尊號

遣司禮太監溫祥督禮儀成國公朱輔上冊寶禮

部侍郎賈詠題神主詠遵廷和指題其主曰興獻

帝神主不稱考及叔亦不著子名

勅封大學士楊廷和蔣冕毛紀及指揮邵喜蔣輪為

伯駙馬都御尉崔元為侯

卷二

帝念朔戴功勅下吏兵兩部議封廷和冕紀為伯

給誥券子孫世襲襲歲祿千石仍各任一子世錦

衣指揮駙馬崔元進爵為侯壽安皇太后弟指

揮邵喜興國太后弟指揮蔣輪各封伯大學士

費宏亦任一子與廷和子等毛澄加太子太傅任

一子世錦衣指揮同知壽寧侯張鶴齡加太師歲

增祿三百石太監張錦扶安溫祥賴義秦文張欽

張淮蕭敬黃偉鮑忠各增歲祿任弟姪一人為錦

衣指揮使同僉等官其興邸承奉等官張佐董英

戴永張忠閻洪趙山等二十七人俱已授太監仍

各增祿任其弟姪惠安伯張偉侍郎鄭宗仁趙璘